



[www.BibleForChildren.org](http://www.BibleForChildren.org)


Jn 14



Nishanpimi: “Amañari anchap jucmanyäsha cayalcaychu. Ashwanpa Tayta Diosmanpis, ya'amanpis chalapacalcämay. Taytá caśhancächümi yaćhanapä achca jäcuyalcan.”




“Chaymi éhápämünayquipä allichamü liyá. Chaynu allichalcamulmi puśhäniqui cutimuśhă, ya'a caśhăcăchu amcunapis capăcunayquipä. Sïchuśh chaynu mana captin'a manačh ‘Allichă-ari lishă’ niyalcacmanchu.”



Ya'a Juan, chalapacü-masiqui, ñacawshï-masiqui,  
Diospa gubirnunchu malca-masiqui, Jesuschu  
jucla caśhanchicwan


awantaycü-masiquim cayá. Diospa shiminta  
willacuśhăpitawan



Jesuspi  
willacuśhăpitam  
lamar ćhawpićhu  
Patmos nishan  
islaman jitaycamăla.




Chayürallam Chuya Ispiritup munaynináhu licalilcul  
janay pacháchu licálú mandananpä sumä täcunanáhu  
nuna täcuyäta.



Chaypïtapis uyalilümi Tayta Diospa lluy  
camañhancunaca cay pachächu, janay pachächu,  
luli pachächu, lamarcunächu lluy  
cäcunäpis cay nil alawapäcüta:


“Täcunachu täcücäwan  
Uwishcäpis alawäsha imaycamapis  
capäcuchun, wiña-wiñaypä altuman  
juluycuśha,  
allinpa  
licaycuśha,  
munayniyüpa  
licaycuśha  
capäcuchun”  
nil.



Chaypïtam licälú chuya muśhü Jerusalem malca janay pacha Dios caśhanpi ji'alpayämüta. Chay cayäñä juc wamla limay-masinta casaracuy muyunpä sumä allichacüśha alcayäcänümi. Chayüram uyalilú täcunanpïta llapa callpanwan cay nimüta:

“Cananpïta

nunancunawanmi  
Dios cawsaycun'a.  
Paycuná Diospa  
nunanmi caycälin'a;  
quiquin Diosñatacmi  
paycunawan caycun'a  
Diosnin caycunanpä.”




Chaypitam juc anjil licaycachimãñã chuya-chuya  
ishpinüpis chipyayã cawsay yacu mayucta. Diospawan  
Uwishcäpa täcunanpita yalamulmari chay malcap jatun  
cällin éhawpinpa liñã.



Chay malcachu intipa ni quillapa acchiynintapis manam nisitãñachu. Ashwanpam quiquin Diospa sumã caynin chaychu acchiyãñã; Uwishcätacmi michiru caña.




Chay malcaman manam yaycapäcun'achu ima anla  
millachicuy lulaycunapis nï luläcunäpis,  
nï casquishcunäpis. Aśhwanpa  
yaycapäcun'a Uwishcäpa  
cawsaypä cä librunchu  
śhutin  
isquirbishacunällam.




“Paycunap llapa wñincunacta  
Diosmi pichaycun'a; manañam  
can'añachu wañuypis, awchuypis,  
wa'acuypis, nanaypis, nñ ima llaquipis  
lluy punta cäcunaca  
camacäshañamari” niñä.




Chaychu manañamari imapis nï mayanpis mana allinpa  
licaycuśha can'añachu. Chaychu Dioswan Uwishca  
mandaptinmi sirbïnincunañatac alawapäcun'a.  
Quiquin cärantapis licaycapäcun'am,  
ulcuncunaçhüñatacmi  
şhutinta apapäcun'a.



Chaypïtam wañüshacuna sumäpis mana sumäpis  
Diospa puntanchu shäcuyalcäta licälú. Chaychümi  
quichaycuñä librucunäta. Chaynütacmi cawsaypä cä  
libructapis quichaycuñä. Chaymi chay librucunächu  
isquirbishanmannuy chay wañüshacunaca  
cäraycuśha cala. Cawsaypä cä libruchu  
shutincuna mana talicücunacá  
chaymanmari jitaycuśha  
capäcuñä.



Chuya Ispirituwan Uwishcäpa walminmi “Śhamuy”  
niyäśhunqui. Jinaman uyalicücunapis juccunacta  
“Śhamuy” nipäcuchun. “Yacunäśhacunaca śhamuchun;  
munäcá dinbaldilla wiñay simpri cawsachicü yacucta  
upyachun” niyäśhunquimari.



Tayta  
Diosñatacmari  
jinantin pachächu  
lluy nunacta sumä-sumä cuyal,  
japallan cuyay chulinta cáchamula  
payman chalapacücunaca  
juchanchu manaña wañunanpä,  
aśhwanpa wiña-wiñaypä allin  
cawsaycächüña  
cawsananpämä.



Ro 3:23 jinantin pachächu cä llapa nuna juchallachu  
cayaptinchicmi, Tayta Diospa sumä chuya cayninpi  
japächäsha cayaptinchicmi.

Ro 6:23 Juchacá wañuycäwanmi pägaycuśhunqui; ñatac  
Tayta Dios'a Duyñunchic Jesuswanmi dinbaldilla wiñay  
cawsaytalä uycuśhunquipis.

Heb 9:27 Maynümi llapa nuna jucllacta wañunapä chaypitá  
Dios cäraycamänanchicña cayan.

Ef 2:8,9 Ñatac llaquipayllanpam chalapacuśhallanchicpa  
salbaycuśha canchic. Caynu salbaśha cayanchic manam  
imallactapis lulaycuśhanchicpachu, sinu'a Tayta Dios  
dinbaldilla uycamanchic ima allincällacta lulaycuśhanchicpi  
mana mayanpis alawacunanpämi.



Ro 10:9,10 Shimiquiwan Duyñuyqui Jesus caśhanta awniptiqui, śhun'uyquiwanñatac payta Tayta Dios wañuycäpi śhalcachimuśhanman chalapacuptiqui'a, salbaśham canqui. Cay śhun'unchicwanmari chalapacunchic mana juchayu óhasquiycuśha canapä; shiminchicwanñatacmi awninchic salbaycuśha canapä.

Jn 3:16,17 “Tayta Diosñatacmari jinantin pachächu lluy nunacta sumä-sumä cuyal, japallan cuyay chulinta cáchamula payman chalapacücunaca juchanóchu manaña wañunanpä, aśhwanpa wiña-wiñaypä allin cawsaycächüña cawsananpämá. Tayta Dios cay pachäman chulinta cáchamula manam nunacunäta cäraycunanpächu, sinu'a chay mana allincäpa maquinpi julunanpämi.”



1 Jn 5:11-13 Willamäshanchicca caymari: Tayta Dios  
wiñay cawsayta uycamäshanchicmi ñatac cay wiñay  
cawsayca chulin Jesuspam shamun. Chaymari Diospa  
Chulin Jesusninchicman chalapacücá wiñay  
cawsayniyüña. Mana chalapacücämi ichá mana wiñay  
cawsayniyüchu. Chayurá lluy caycunacta isquirbiycälimuc  
Diospa Chulin Jesusninchicman chalapacücunämanmi allin  
wiñay cawsayniyüña capäcuśhayquita  
tantialpapäcunayquipä.



Jn 14; 2 Co 5; Ap. 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Quechua, Huaylla Wanca NT (qvw) © 2010, Wycliffe Bible  
Translators, Inc. All rights reserved.

<https://live.bible.is/bible/QVWTBL/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

